



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

## Curiosidadis

Fiat unu merì fridu de su primu de su mesi de idas de su 1955 candu una fèmina, Rosa Louise Parks, iat arrefudau de lassai sa cadiredda de su postali nùmeru 2857 de sa Montgomery city lines, innui fiat sètzia, po fai setzi unu òmini biancu, cumentì s'acostumàt in is Stadius Unius de cussus annus.

Unu NO arrevolutzionàriu, chi iat ispirau òminis Mannus cumentì a Martin Luther King a s'arrellai po sa defensa de is deretus tzivilis.

In cussus annus is postalinus portànt is postus spartzius: a innanti is biancus, agoa is nieddus e in mesu si podiant setzi totus e is duus (is nieddus sceti chi non nci fiant prus postus agoa e chi totus is biancus fiant sètzius giai). Rosa Parks fiat sètzia in mesu ca agoa non ddoi fiat prus logu e s'autista dd'iat nau de s'artziai e de andai a sa parti de palas po fai setzi unu tzitadinu biancu ma issa, arròscia de si intendi tzitadina pagu bàlida, iat arrefudau, ca iat pagau su billetu cumentì a is àterus. Po custu arrefudu s'autista iat tzerriau sa giustìtzia chi dd'iat arrestada po sfortzadura de is leis de stalladura de s'arratza de sa citadi. Nci fiat bessia de presoni ca dd'iat pagau sa cauzioni s'abogau Clifford Durr, òmini contra a su ratzismu e impinniau in sa batalla po is deretus tzivilis.

*“nant sèmpiri **chi** no apu lassau su postu ca femu straca, ma non est beru. Non femu straca de carena, non prus de cantu femu straca a s'acabu de dònna dii de traballu. Nono, s'ùnica cosa **chi** m'iat stracau fiat sunfriri. Non mi pensamu **chi** in cussu momentu s'est fata sa stòria, femu sceti arròscia de m'arrendi sèmpiri”*

In is màginis: Rosa Park cun Martin Luther King; su postalinu; su postu innui fiat sètzia Rosa Park; arretratu sinnalèticu de Rosa Park a pustis de su barrancu cuntra de is bus Montgomery; Rosa Park in su mesi de idas de su 1956 a s'acabu de su barrancu cuntra de is bus Montgomery.





REGIONE AUTÒNOMA DE SARDIGNA  
REGIONE AUTONOMA DELLA SARDEGNA



COMUNU DE SESTU  
TZITADI METROPOLITANA DE CASTEDDU

## Curiosidadis

